



Digitized by the Internet Archive
in 2010 with funding from
Boston Public Library

GENERAL

D E S

(39)

REMONSTRANCES

QVE L'VNIVERSITE'
de Paris a dressé, pour presenter
au Roy nostre souuerain Sci-
gneur, en l'Assemblée Generale
des trois Ordres de son Royau-
me, qui de present se tient à Paris:
iceluy Cayer deliberé, & receu
tant du Recteur, que des Doyens
& Docteurs des Facultez, & des
Procureurs des Nations, en la
congregation solennelle de la-
dicte Vniuersité tenuë aux Ma-
thurins, le 13. Decembre. 1614.

*Le tout suiuant l'Arrest du Conseil
Privé.*

GENERAL

THE UNIVERSITY OF CHICAGO

LIBRARY

540 EAST 58TH STREET

CHICAGO, ILL. 60637

TEL. 733-4331

TELETYPE 733-4331

POSTAL ADDRESS: 540 EAST 58TH STREET

CHICAGO, ILL. 60637

U.S. MAIL PERMIT NO. 1000

CHICAGO, ILL.

POSTAGE WILL BE PAID BY ADDRESSEE

IF NECESSARY, CHANGE ADDRESS TO:

540 EAST 58TH STREET

CHICAGO, ILL. 60637

U.S. MAIL PERMIT NO. 1000

CHICAGO, ILL.

LE CAYER
 GENERAL
 DES
 REMONSTRANCES

QUE L'VNIVERSITE'
 de Paris a dressé, pour presenter
 au Roy nostre souuerain Sci-
 gneur, en l'assemblée Generale
 des trois Ordres de son Royau-
 me, qui de present se tient à Pa-
 ris: iceluy Cayer deliberé, & re-
 ceu tât du Recteur, que des Doyës
 & Docteurs des Facultez, & des
 Procureurs des Nations, en la
 congregation solemnelle de
 l'adiète Vniuersité tenuë aux
 Mathurins le 13. Decembre 1614.

Le tout suiuant l'Arrest du Conseil Priué.



VIVANT les lettres patentes de-
 cernées par le Roy le trente-vnies-

4 *Remonstrance de l'Vniuersité*

me iour de Iuillet dernier, contenant la declaration de sa Majesté, sur la conuocation generale des gens des trois Estats de son Royaume, & pour y obeir : Les Recteur, Doyens, Docteurs, Professeurs & Supposts de l'Vniuersité de Paris, sa Fille aisnee, tant pour elle que pour toutes les autres Vniuersitez establies es pays & Prouinces de son obeissance, ont dressé le present Cayer de leurs tres-humbles remonstrances qu'ils presentent à la dicte Majesté, à ce qu'il luy plaise en remediand aux plaintes des gens desdicts trois Estats de son Royaume, assemblez en cette ville de Paris par sa permission, pouruoir semblablement aux desordres qui ont iusques icy auancé, & s'il n'y est pourueu, causeront l'entiere ruine, & desolation desdictes Vniuersitez, au grand dommage de cet Estat, duquel lesdictes Vniuersitez, & specialement celle de Paris, ont tousiours esté tenuës vtils, & necessaires ornements.

PREMIEREMENT ladicte Vniuersité rend graces à Dieu, de ce qu'il luy a pleu inspirer le Roy, & la Royne sa Mere, de conseruer & maintenir l'ancienne & vraye religion, obseruee de tout temps

en France, en laquelle ladicte Dame Roynne continuë de faire instituer mon Seigneur Frere vnique de sa Majesté, & mes Dames ses Sœurs.

DAVANTAGE, ladicte Vniuersité remercie tres-humblement sa Majesté de la sainte intention qu'il luy a pleu tesmoigner par lesdites lettres patentes, touchât le restablissement du bon ordre, & pollice requise en chacū desdits Estats si que tous ses subjects peuuent maintenant dire pour leur consolation commune, apres le funeste parricide du feu Roy Henry le Grand, Prince d'eternelle memoire, le mesme qu'il fut dit de Salomon, lors qu'il succeda au Roy Dauid son pere, *Benedictus Dominus Deus, qui dedit Dauid filium sapientissimum, super populum hunc plurimum.* 3. des Roys verset 5. & 7.

A v moyen de quoy ladite Vniuersité supplie la diuine bonté de vouloir de plus en plus conseruer, & accroistre à sa dite Majesté ses saintes graces & benedictions. Et pour deduire les griefs & oppressions dont l'Vniuersité de Paris est trauaillée, ny plus ny moins que les autres de ce Royaume, chacune pour son regard; Conuient noter que nos Roys,

6 Remonstrance de l'Vniuersité

bien informez de la necessité qu'ont tous Estats, Royaumes, & Empires, de personnes capables pour seruir de conseil en la cōduite des affaires publiques, vaquer à l'administratiō de la Iustice, ont fōdé les Vniuersitez de ce Royaume, desquelles cōme d'autant de Seminaires, ils peussent tirer nōbre de gens doctes, ainsi qu'ils ont faiēt de tēps en temps, lesquels entre plusieurs autres seruices signalez, rendus à leurs Majestez, ont par leurs escrits per-tinemment deffendu, & releué les hauts tiltres d'honneur, & de gloire, acquis à nos Roys par dessus tous les Princes de la terre, maintenu leur auctorité souveraine contre les entreprises des estrangers, ensemble les droicts & libertez de l'Eglise Gallicane, sans auoir perceu aucūns gages, profits, ny emoluments du public, ayās seruynos Roys avec autāt de deuotiō & de fidelité, qu'aucuns autres leurs sujets & Officiers, sans estre à charge à leurs finances : ains seulement afin d'exciter leurs industries en l'exercice des sciēces, & en l'institution de la jeunesse. Il a pleu à nos Roys gratifier les Suppoits & Professeurs desdictes Vniuersitez, de plusieurs beaux priuileges, exemptions, im-

munitez & franchises, dont lettres de cō-
firmation leur ont esté accordées de tēps
en temps iusques a present ; neantmoins
lesdicts Professeurs & Supposits ne peuuent
iouyr desdits priuileges à cause des empes-
chements , & vexations qu'ils reçoient
de iour en iour des Fermiers, & Receueurs
des imposts , aydes , subsides , & gabelles
de ce Royaume. C'est pourquoy ladite
Vniuersité de Paris, tāt pour elle, que pour
les autres, supplie tres-hūblement sa Ma-
jesté de vouloir ordonner que lesdits Pro-
fesseurs , Supposits, & Officiers iouyront
librement à l'aduenir de tous & chacuns
les priuileges , immunitiez , exemptions ,
franchises, qui leur ont esté oſtroyées, &
confirmées , ainsi que tous les Religieux
des Ordres mendiants , les Hospitaux
& autres Communautez, & faire deffen-
ces à tous Receueurs & Fermiers de les
troubler, & exiger d'eux aucunes choses
desdits subsides , & imposts sous telles
peines qu'il luy plaira prescrire.

LADICTE Vniuersité de Paris re-
monstre en toute humilité, & qu'és sie-
cles passez , & par vne longue suite de
temps, elle a esté seule en la Chrestienté,
qui s'estoit acquise vne tres-grande cele-

8 *Remonstrance de l'Vniuersité*

brité, à cause du nombre incroyable d'excellents personnages, & Professeurs, qu'elle auoit esleuez en toute sorte de sciences, qui la rendoient admirable à tout le môde, & la réplissoient d'Estudiâs de toutes nations, & qui accroissoit la gloire de nos Roys tres Chrestiens, estoit, & esleuoit le nom François sur les autres peuples de l'Europe, & affermissoit nostre sainte foy & Religion.

MAIS depuis quelques anneés, les Princes voisins de cet Estât, jaloux de voir leurs subjects venir estudier en France, ont fondés terres de leur obeyssance des Vniuersitez qu'ils ont dotees de grâds reuenus. A leur exemple plusieurs villes de ce Royaume ont fait le semblable, au moyen dequoy l'Vniuersité de Paris a commencé à descheoir de sa premiere splendeur & celebrité: Mais depuis quarante ou cinquante ans, la plus part des autres villes de ce Royaume, esquelles il n'y a Vniuersité, ont construiât, & fondé plusieurs Colleges avec suffisants reuenus, pour gager Regents, & Professeurs, ce qui a reduit l'Vniuersité de Paris à vne extreme, & deplorable solitude, pour n'estre les Colleges d'icelle dotez d'au-

cün fonds destiné à la recompense des Professeurs , & Regents , lesquels il est notoire auoir tousiours tiré leur nourriture & entretenement de ce qui leur estoit liberalement administré par les escoliers , lors qu'ils y affluient de toutes parts en tres-grand nombre. A ces causes, attendu que l'erection de tant de Colleges par toutes les villes de France, ruine entierement l'Vniuersité de Paris, & toutes les autres anciennes Vniuersitez de ce Royaume: Il plaise à sa Majesté ordonner , qu'à l'aduenir és Colleges des villes & Bourgs où il n'y a Vniuersité, l'on ne pourra establir plus de trois Classes en Grammaire seulement, afin que desormais les escolliers plus auancez aux lettres humaines , & ceux qui voudront faire leurs cours en Philosophie, & obtenir leurs degrez, se retirēt aux Vniuersitez, & que les particuliers , qui auront faict leurs estudes ailleurs qu'és Vniuersitez ; ne pourrōt s'en preualoir, pour acquerir aucuns degrez en consequence d'icelles.

Q V E depuis quelques temps les Iesuites s'estans artificieusement introduicts aux meilleures villes de ce Royaume, se sont ingerez d'instruire la ieunesse, &

soubs ce pretexte ont tiré en leur société des biens & reuenus immenses & incroyables, avec l'affluence des escolliers, dont procede la seconde cause de la ruine & desolation desdictes Vniuersitez, auxquelles n'y ayant aucun fonds affecté à ceux qui regentent, il est impossible qu'elles puissent subsister, leur retranchant ou diuertissant comme l'on fait, les escolliers qui tiennent lieu d'aliment necessaire aux Professeurs Regents. Et qu'ainsi soit, on ne peut reuoker en doute, qu'auparauant l'erection des Colleges des Iesuites, l'Vniuersité de Paris n'ait produit & esleué infinis ieunes hommes doüez de singuliere doctrine en toutes sciences qui ont seruy le Public avec sincerité, fidelité & amour de leur patrie, estans nourris par personnes ayans le cœur entierement François, ne recognoissans autre Prince, & ne dependans d'autre puissance que de celle de nos Roys & souuerains Seigneurs, sans auoir aucune intelligence ou correspondance avec personnes quelconques hors le Royaume, sans estre obligez par vœu, obedience, serment, pretension, regle, ny dessein aucun, promesse, ny espoir de recompense ou autre

aduancement de Prince, superieur, vifiteur, ou general que du Roy, recognoiffans cette Vniuersité du tout & entiere-ment dependre de fa Majesté tref-Crestienne fous la puissance de son Magistrat politique, pour estre icelle reglee de tous poincts, accommodee & formee aux loix & necessitez de cet estat, & n'ayans but que de rendre leurs disciples bien instruits és bonnes lettres & sciences, spécialement en celles qui montrent le chemin de la vertu, de la crainte de Dieu, de la vraye religion, & de l'obeissance qui est deuë au Roy nostre souuerain Seigneur. Mais au iour-d'huy cette nouuelle societé, quoy que suspecte aux plus prudens & plus affectionnez François, non seulement possede plus de biens & reuenus que toutes lesdictes Vniuersitez: mais aussi attire à soy avec toute sorte d'artifice l'affluence des Escolliers, à la ruine desdictes Vniuersitez & preiudice notable de l'Estat, au repos & seureté duquel il importe grandement, que l'instruction de la ieunesse ne soit commise à vne compagnie nouuelle, qui n'estant originairement François, ains notoirement reconnuë auoir des intelligences & pratiques

auec les estrangers, mal affectez enuers
nostre nation, & par les propres & parti-
culiers vœux, qui n'obligent qu'autant
qu'il plaist aux Superieurs d'icelle, prenāt
le dessus de tous les autres Ordres, ne se
peut dire vrayement seculiere ou regulie-
re: qui tient des maximes, & propositions
contraires à celles desdictes Vniuersitez,
à l'auctorité des Roys & Princes souue-
rains, ainsi qu'il se recognoist par les let-
tres & briefs ou rescripts à eux octroyez,
& par leurs escrits & liures diuulguez par
tout, mesme par l'aduis qu'en donna l'an
mil cinq cens cinquante & quatre ceste
venerable faculté de Paris, Escolle de la
pure, & vraye doctrine, & par le iugemēt
qu'en ont fait, & font ordinairement les
Parlemens de ce Royaume, nommemēt
ce grand & Illustre Parlement de Paris, &
plusieurs autres personnages qualifiez, tāt
François qu'estrangers Catholiques al-
liez de cette Couronne. Araison dequoy
lesdictes Vniuersitez supplient sa Majesté
de considerer combien il importe à son
auctorité, & au bien de son Estat, que ses
subjects, qui sont instituez aux bonnes
lettres, pour puis apres administrer les
grandes charges, & principaux Offices de

son Royaume, pour tenir les Eueschez, prelatures, & autres dignitez de l'Eglise: outre plusieurs nobles, & du tiers Estat qui font la plus grande & saine partie de ses subjects, soient instituez en leur premiere ieunesse, esleuez & nourris en l'obeissance, crainte & respect deu à sa Majesté, par personnes qui ne transferent l'amour & pieté qu'ils doiuent à leur Roy, & à leur patrie, à des Princes estrangers, diuisans leurs affections, & les inclinans avec dessein, à la recognoissance de plusieurs & diuerses souuerainetez desquelles selon les occasions iceux Iesuites scauent subtilement hausser ou rabaisser les preeminences, auctoritez & prerogatiues, s'aydans accortement de la creance qu'ils s'acquierent au moyen de l'instruction sur les esprits tendres pour les auoir (le cas s'offrant) desia tous preparez à receuoir les semences des souleuemens & reuoltes contre les Princes naturels & legitimes, & entrer aux guerres civiles.

ET sur la consideration des inconueniens qui en peuuent naistre, sa Majesté y pouruoiras'il luy plaist selon qu'elle iugera estre conuenable, d'autant que pour

14 Remonſtrance de l'Vniuerſité

les preuenir, il ne ſe peut trouuer d'expedient que celuy que Dieu luy inſpirera, & qui procedant de ſon mouuement, affermira ſon auctorité, & aſſeurera le repos de ſes ſujets, & ce pendant leſdictes Vniuerſitez la ſupplient tres-humblement que pour empeschier le mal de croiſtre, & en fin ſe rendre incurable, elle face executer & entretenir l'Edict faiſt par le feu Roy de tres-heureuſe memoire, ſur le reſtabliſſement deſdicts Ieſuites, & l'Arreſt depuis enſuiuy le vingt & deuxieſme de Decembre mil ſix cens vnze, & caſſer, & annuller tout ce qui a eſté faiſt au contraire, cōme extorqué par ſurpriſe, & importunité, au preiudice du bien public, & repos de l'Eſtat.

LADICTE Vniuerſité de Paris, a iuſte occasion de ſe douloir & plaindre de l'importunité deſdicts Ieſuites, & des pourſuittes continuelles qu'ils font, pour ſ'eſtablir de nouveau à Pontoife, contre le reglement porté par l'Edict de leur reſtabliſſement en France, & le ſuſdict Arreſt de la Cour de ſix cens vnze: car des reuenus des plus grāds & opulens benefices de ce Royaume, & des deſpoüilles de pluſieurs Abbayes, Eueſchez, Archeueſ-

chez tombez en ruine faute d'entretien & de reparation, ils s'efforcent dresser ledict College de Pontoise, sous le nom de Seminaire, pour accelerer en ce faisant & haster la ruine de ladicte Vniuersité.

Et comme il soit peu conuenable, que l'institution de la ieunesse, par laquelle elle est renduë capable du maniement des affaires publiques & seculieres, soit commise à personnes d'autre profession que seculiere, commel'institution des personnes regulieres a tousiours esté delaissee aux Religieux, chacun selon leur ordre, lesdictes Vniuersitez supplient sa Majesté de faire deffences à tous Religieux de quelque regle, profession & ordre que ce soit, & en derogeant à tous rescris, Bulles & concessions, que l'on pourroit alleguer à ce contraires, de s'ingerer desormais, ny entremettre directement, ou indirectement, sous quelque couleur que ce soit, en l'institution publique, ou priuee d'aucuns enfans de condition seculiere, & non encor obligez, ou destinez à quelque religion, ou non portans l'habit d'icelle, d'auoir Classes, Regens, & precepteurs en Grammaire, ains seulement de pouuoir leur monstrer à lire, & ensei-

gner les premiers rudimens, pour ceux qui d'ancienneté sont fondez en priuilegé de ce faire: Et quant aux autres, leur enjoindre quitter & delaisser la charge d'icelle instruction aux professeurs seculiers des Vniuersitez, & outre faire deffences à tous ses subjects de quelque qualité qu'ils soient, ayans enfans non Religieux, de les enuoyer instruire aux Maisons, & Colleges de quelque ordre que ce soit, hors le Royaume, sous telles peines qu'il plaira à sa Majesté d'ordonner.

QUE pour empescher le cours & les mauuais effects de cette pernicieuse doctrine, qui depuis quelques annees s'estant glissé es esprits foibles, a tres-impudemment esté publiee par diuers escrits, & liures seditieux, tendans à troubler les Estats, & subuertir les puissances souueraines establies de Dieu, & recōnuës telles avec grande sincerité de toute l'âtiquité, Sa Majesté est suppliee d'ordonner, que tous Beneficiers, Officiers, & Supposts des Vniuersitez, Generaux, & Prouinciaux, Gardiens, Recteurs, Prefects, Prieurs des Ordres mendians, & non mendians, & en general tous Superieurs de Conuents, Colleges & Congregations, seculiers, ou

Regu-

Reguliers, seront tenus dans le premier mois de leur institution en charge, faire chacun d'eux le serment de fidelité, par deuant telles personnes que sa Majesté iugera plus à propos, & sous les termes qu'il sera aduisé pour le mieux: Declarans qu'ils protestent, que pour le temporel le Roy est souuerain en son Estat, & ne peut estre depossédé, ny ses sujets absous ou dispensez de l'obeyssance qu'ils luy doiuent, ainsi que le publient, & veulent faire croire les auteurs des susdicts pernicious escripts; Qu'ils detestent toutes opinions contraires, promettans au Roy obeyssance telle qu'un sujet doit à son Prince naturel, & de tenir, obseruer, prescher, & enseigner, tant en public qu'en particulier, & faire tenir, obseruer, prescher, & enseigner par ceux auxquels il est proposé, l'obeyssance & subjection, qui luy est par eux deuë.

Et d'autant que le nombre effrené des nouveaux Ordres, Maisons, Monasteres, & Congregations de Religieux mendiens, & autres qui se sont introduicts en France depuis quelques annees, tourne à la charge des villes, & gros Bourgs où ils se sont habitez, à l'extinction des au-

mosnes & charitez qui s'exerçoient enuers les pauvres estudians des Vniuersitez, & à la ruine des anciens Monasteres mendians receus il y a plus de trois cens ans, par les pays & prouinces de ce Royau-
me, attendu qu'il cōuient incessamment fournir par les villes, où lesdicts nouueaux Monasteres sont establis, non seulement ce qui est necessaire pour leur nourriture, mais aussi pour les bastimens & edifices de leurs Conuents, & lieux de Congregation, iceux meubler, & entretenir leurs Eglises, qui sont causes de diuertir, & attirer à eux les charitez & aumosnes qui se faisoient ausdicts pauvres escolliers desdictes Vniuersitez, ainsi qu'aux anciennes Religions & Monasteres, qui pour le present demeurent presque delaissez & abandonnez, & les Religieux d'iceux reduicts à vne extreme misere, n'ayants de quoy sustenter leur vie. Et outre lesdicts nouueaux Religieux entreprenans ce qui est de la fonction des Curez, en l'administratiō des Sacremens, lesquels lesdicts Curez sont obligez, comme vray Pasteurs & naturels, d'impartir à leurs Parroissiens priuatiement à tous autres, & les assister en quelque danger

ou peril, mesme de contagion qui leur puisse suruenir. Neantmoins iceux Religieux soubstraient, & alienent lesdicts Parroissiens desdicts Curez leurs Pasteurs, & les diuertissent de leurs Eglises Parroissiales, contre l'ordre estably en l'Eglise, & les saincts Decrets, pour le maintien & obseruation desquels lesdictes Vniuersitez se sont tousiours dignement & loialement employees. A CES CAUSES pour empescher le desordre & la confusion qui s'accroist iournellement des susdicts desreglemens, l'Vniuersité supplie sa Majesté d'ordonner qu'il sera des maintenant procedé à la reformation des anciens Conuents, Maisons, & Monasteres desdicts Religieux mendians, iceux cōtraincts de se ranger à l'observation de leurs regles, selon que d'ancienneté elles ont esté establies, & gardees en leurs maisons, & Conuents, au cas qu'elles n'y soient à present entretenuës, afin que les nouveaux Religieux, qui se disent de mesme ordre, ne puissent sous pretexte de reformation, colorer leur refus d'entrer esdicts anciens Conuents, & Monasteres : par ce moyen seront les nouvelles Religions, Compagnies, & So-

20 *Remonstrance de l'Vniuersité*
cietez de Religieux, reduictes au nombre ancien, principalement celles des mendiants, suyuant le Decret du Concile de Latran. Et seront tenuës toutes lesdictes Compagnies, Societez, & Conuents de Religieux, qui se sont introduits en France depuis trente ans, se reduire aux Ordres anciens desquels ils sont deriuiez, & entrer es Maisons anciennes desdicts Ordres, pour y viure sous l'observation de leur regle, & à faute de ce faire, qu'ils soient tenus vider du Royaume, exceptez toute fois, & non compris ceux qui ne s'emploient à autre exercice qu'à penser & nourrir les pauvres malades, & qui en ont fait vœu & profession.

QV'AVCVNS Religieux, ou Compagnie Reguliere, ne puissent auoir en aucune ville, tant en l'enclos d'icelle que faux-bourgs & banlieuë, plus d'une Maison, Conuent, ou Monastere, sous quelque tiltre & pretexte que ce soit, comme de Seminaire, Nouitiat, ou maison Professe, & ceux qui en ont plusieurs, seront tenus opter & faire choix de l'une d'icelle, les autres seront employées par l'aduis des fondateurs, pour retirer & heberger les malades pauvres, infirmes, & en autres œuures pies.

SEMBLABLEMENT sa Majesté est suppliee pour le bien de son Estat, d'ordonner qu'à l'aduenir les Generaux estrangers des Ordres mendiens, & de tous autres monasteres, Conuens, & Compagnies establies en ce Royaume, soient tenus pour faire les visites des Conuens, maisons, monasteres de leurs Ordres, & pour iceux regler, & reformer, donner Vicariat à l'un des Prouvinciaux, Prieurs, Gardiens, ou autres Superieurs dudit Ordre, qui soit Regnicole, & naturel sujet de sa Majesté, ainsi qu'il se pratique es autres Royaumes & prouinces estrangeres à l'endroit des Abbez, & chefs d'Ordre François establis en ce Royaume, touchant les visitations, reglemens & police des monasteres estans es diets Royaumes estrangers.

QV'IL ne soit loisible à aucun religieux, soit mendiant ou autre, de tenir Benefices seculiers, Dignitez ny Offices es Eglises Cathedrales, ou Collegiales, esquelles sont establies des Compagnies seculieres, ny en icelles obtenir Theologiques, ou penitenceries sous quelque pretexte que ce soit, à cause des troubles, & dissensions que ce desordre produit esdi-

22 Remonſtrance de l'Vniuerſité

des Compagnies ſeculieres, veu meſme que les prouiſions & diſpenſes qui ſ'expedient en Cour de Rome au profit deſdicts Reguliers, ne ſ'obtiennent ordinairement que par ſurpriſe, & ſur faux donné à entendre, qu'il ne ſe treuve aucuns ſeculiers capables pour exercer leſdictes charges.

Qve depuis quelques années il ſ'eſt introduict es Vniuerſitez de Valence, Vienne, & Auignon, certain abus de promouoir à la haſte & (comme ils diſent) *per ſaltum*, aux degrez de Docteur, Licētié, & de Bachelier en leurs Facultes, pluſieurs poſtulants, qui n'ont fait le cours de leurs eſtudes eſdictes Facultez, ny accompli le temps preſcrit par la Pragmatique ſanction, & les ſtatuts particuliers de chacune deſdictes Vniuerſitez, dont naiſſent ordinairement pluſieurs contentions, & debats, à ſauſe que tels Docteurs Licentiez, & Bacheliers, promeus *per ſaltum*, pretendent que les degrez par eux obtenus ſans labeur, examen, ny verité les rendent eſgaux, ou meſme ſ'ils ont quelque autre qualité outre celle de leurs degrez mal obtenus, leur donnent la preference ſur les autres plus anciens de meſme or-

dre, Congregatiõ, Chapitre, ou Couuent; qui ont acquis leurs, degrez deuëment & legitiment.

A ces causes sa Majesté est suppliee d'ordonner, que les degrez acquis *per saltum* en quelque Vniuersité que ce soit, ne seront vallables & que l'on n'y aura aucun esgard par tous les pays de son obeissance, soit que l'on pretende par telles promotions obtenir benefices, Offices, charges, ou dignitez, soit pour preceder les autres en rang, ordre, & seance en quelque Compagnie, assemblee, Chapitre, College, ou Couuent que ce puisse estre, seculier, ou regulier, derogeant pour ce regard à toutes bulles, rescripts, priuileges & lettres à ce contraires.

Q v'a laduenir tous graduez, tant simples que nommez des facultez de Theologie, Decret & Medecine, ne pourront en vertu de leur degré obtenir aucuns benefices, s'ils ne sont Escolliers Iurez, Maistres és Arts en quelque Vniuersité de ce Royaume, & s'ils n'ont faict actes publics esdictes Facultez, avec deffenses aux Doyens, Docteurs & Supposts desdictes Facultez de contreuenir au present Statut sur les peines qu'il plaira à sa Majesté d'ordonner.

Q V E toutes vnions de benefices faictes aux nouueaux Ordres de Religieux, fors aux Congregations anciennes des Chartreux, Cluny, Cisteaux, Grandmôt, & Premonstré, soient cassées & reuocquées, comme nulles, & abusiuës, & les benefices vnis retournent en leur premiere nature, & en l'estat auquel ils estoient auant la pretenduë vnion.

Q V' I L ne soit loisible aux estrangers, & qui ne sont originaires des pays & Provinces sujettes à ceste Couronne, posséder aucuns benefices en France, conformément aux Ordonnances de nos Roys, anciennes, & modernes.

S A Majesté est tres humblement suppliee, vouloir restablir les Pragmatiques sanctions des Roys d'heureuse memoire saint Loys, & Charles septiesme, l'abrogation desquelles faicte & aduenüe au grand desplaisir, regret & complaincte de tous les gens de bien, a esté & est cause de l'entiere ruyne & desolation des Eglises de France, destruction de la foy, introduction des heresies, corruption des mœurs & generale dissipation de la police ancienne & discipline de l'Eglise, & remettant sus la forme louable receuë des Apostres,

Apostres , de proceder par election aux Prelatures vaquantes, esteindre l'abus des coadiutoreries & reserves desdictes Prelatures , contraires aux saincts Decrets.

Et comme les escrits & tesmoignages de la venerable antiquité soient moyens fort pertinents pour la reduction de ceux qui se sont desuoyez de nostre sainte foy Catholique, contre les impressions desquels lesdits desuoyez n'opposent le plus souuent qu'une friuolle exception, qui est de dire que les exemplaires des bibliothèques, sur lesquels nos editions ont esté prises, sont supposez, ou en quelque façon alterez & deprauez, s'efforçants par telle cauillation d'oster aux anciens Peres de l'Eglise la creance qui leur est deuë. Sa Majesté est suppliee de commander que sa Bibliotheque si rare, & exquisite, cy deuant par la misere des troubles, negligee ou dissipee, soit au plustost restablie en sa splendeur, & qu'il soit encore fait diligente recherche par toutes les plus anciennes Bibliothèques des terres de son obeïssance, des autres escrits des Docteurs & Interpretes anciens qui ont illustré nostre Religion depuis sa naissance; & iceux exemplaires recouverts, estre

reseruez & mis en sadite Bibliotheque, avec defenses à tous ses subjects d'imprimer ou debiter sous le nom desdicts Auteurs anciens aucun œuure, quine soit entierement conforme aux exemplaires, manuscrits trouuez en sadiete Bibliotheque.

SA Majesté est suppliee d'ordonner qu'il sera fait recueil de tous les decrets de la Faculté de Theologie de Paris, & des autres de ce Royaume, contenant la verité ancienne enseignee de temps immemorial esdictes Vniuersitez, suyuant laquelle l'Eglise de France s'est tousiours maintenuë en ses libertez, conformes aux saincts Decrets & Canons des Conciles tant generaux que nationaux, receus & obseruez en France, & sera ledict recueil compilé & imprimé avec les œures des Docteurs desdictes Facultez, & de tous autres, tant seculiers que reguliers, qui conuiennent en la mesme doctrine, en laquelle seront tous Professeurs & Docteurs deladiete Vniuersité de Paris, ainsi que des autres Vniuersitez de ce Royaume, de quelque condition qu'ils soient, tant ceux des saintes lettres, que des sciences prophanes, tenuz & obligez

se conformer en leurs leçons, escrits & resolutions

Q V' I L sera faict & dressé par aucuns Docteurs en Theologie, deputez à telle fin par sa Majesté, vn catalogue des liures Heretiques, & autres qui contiennent quelques propositions errônees, ainsi qu'il fut faict sous les Roys François I. & Henry II. & en iceluy seront designez & specifiez les liures pernicioeux du depuis mis en lumiere, comme aussi les liures qui enseignent vne doctrine contraire à celle de ladiète Faculté, soit pour ce qui concerne la seureté de la vie & de l'Estat des Roys, & fidelité de leurs subjects, que pource qui tend à l'euersion des libertez des Eglises de ce Royaume, fondees és saincts Canons & Decrets.

Q V' I L plaise à sa Majesté en faueur des Vniuersitez & pour leur regard seulement, casser, & reuoquer certains articles accordez à Messieurs du Clergé de France par le feu Roy de loüable memoire, en l'an mil six cents six, & verifiez en Parlement en l'année mil six cents huit, sans que les Vniuersitez ayent esté ouyes ny appellees, par lesquels on pretend exclus tous Graduez, de requerir

aucunes dignitez és Eglises de ce Royau-
me en vertu de leurs degrez, veu que les-
dicts articles ont esté obtenus par sur-
prise, au preiudice des droicts accordez
aux Graduez par la Pragmatique San-
ction, & les Ordonnances de nos Roys,
qui ont passé en force de loy publique,
ausquelles n'est derogé par lesdits arti-
cles.

Pour obuier aux fraudes qui se com-
mettent ordinairement au preiudice des
Graduez, en ce que par infinis artifices, &
monopoles pleins de honte, on procu-
re, & extorque des resignations ou per-
mutations des titulaires des benefices,
lors qu'ils sont malades à l'extremité, &
sur le point de mourir, sur lesquelles mes-
sieurs les Collateurs ordinaires donnent
aussy tost leurs prouisions, à dessein de
frustrer les Graduez de leurs droicts, &
de la recompense legitiment deuë
en faueur des lettres. Cest pourquoy sa
Majesté est tres-humblement suppliee de
pourueoir aux pauvres estudiants, aus-
quels il ne reste aujourd'huy autre fruit
de leurs veilles que celui qu'ils atten-
dent en consequence de leurs degrez &
nominations, declarant nulles & frau-

duleuses toutes resignations & permutations faictes aux mois des Graduez par beneficiers malades ou mourants, ensemble les admissions & collations des ordinaires interuenues sur lesdictes resignations ou permutations, au cas que les resignans ne suruiuent vingt iours apres lesdites resignations ou permutations admises & effectuees.

P A R C E que les supposts desdites Vniuersitez se voyent fort souuent trauaillez de procez en reglement de Iuges au Conseil Priué, contre les priuileges qu'il a pleu aux Roys leur octroyer, & qui ont esté confirmez de sa Majesté. Elle est tres-humblement suppliee, de vouloir ordonner que lesdits supposts des Vniuersitez ne pourront estre tirez au Grand Conseil ny ailleurs pour raison de leurs benefices, & toute autre action qu'ils auront contre quelque personne que ce soit. Ains seront tenus toutes leurs parties venir plaider deuant les Conseruateurs de leurs Priuileges Royaux en première instance, & par appel en la Cour, & où leursdites parties obtiendroient quelques lettres de sa Majesté, pour les attirer ailleurs, ne seront tenuës lesdits des Vniuersitez y de-

ferer, ains continueront leurs poursuittes par deuant leur Iuge ordinaire, lequel pourra vallablement passer outre iusques à sentence diffinitive, nonobstant lesdites lettres.

P O V R faire cesser les plaintes que font les Curez, Prestres, & autres gens d'Eglise, lesquels pour la plus grande partie ont esté prins des Vniuersitez, des mauuais traictemens qu'ils reçoient des Officiaux, lesquels estants seuls Iuges sont aisement induicts à les opprimer, inclinants à la faueur des grands, tant Ecclesiastiques que Laics, de sorte que le priuilege de Clericature introduict pour maintenir la franchise & liberté Ecclesiastique, est conuertý à leur foule & oppression: Consideré que lesdits gens d'Eglise estants tousiours sujets naturels du Roy, & ne pouuants par l'ordre de Clericature estre exempts de l'obeissance qu'ils luy doiuent, il est raisonnable qu'ils vivent sous sa protection, & iouyssent de la franchise de ses autres sujets & bonne Iustice qui est renduë sous son auctorité, ioinct que de droit commun, & par raison naturelle, on ne peut empescher personne de renoncer à

ce qui est introduict en sa faueur. Sera permis à toutes personnes Ecclesiastiques non regulieres , en toutes causes ciuiles , & criminellés , de renoncer (si bon leur semble) à leur renuoy par deuant leur Iuge Ecclesiastique , & ce faisant ne pourront estre par les Iuges Royaux rendus ausdicts Officiaux , ny par eux vendiquez.

D'A V T A N T que les Curez qui ne perçoient les dismes de leurs Parroisses, se plaignent que les Officiaux leur tiennent vne extreme rigueur lors qu'il est question d'arbitrer leurs gros , & portions congruës sur les dismes, ou en demander augmentation contre les Abbez, Prieurs, Chapitres, Communautéz, & autres pourueus de Benefices seculiers, ou reguliers, à cause desquels ils se disent Curez primitifs, & perçoient les dismes, ou que lesdicts Officiaux sont eux mesmes pourueus desdits benefices, & ainsi sont leurs parties, ayās interest en sēblables causes: ou dependent entierement & sont à la deuotion de leurs parties, dōt aduient que lesdits Curez ou Vicaires perpetuels, qui font la fonction des Pasteurs, celebrent

32. *Remonstrance de l'Vniuersité*
le seruice public & Parrochial, & admini-
nistrent les Sacrements, n'ont aucune
commodité pour s'entretenir honnestement,
selon leur vacation, & sont reduits en grande
necessité, & pauveré, ce qui tourne à l'opprobre
& scandale de l'ordre Ecclesiastique, diminution
de l'honneur du ministère, & à la charge des
Parroissiens, soient nobles ou du tiers
Estat, lesquels ores qu'ils soient chargez
du payement des dismes, qui se leuent
sur les heritages, à raison de quoy les Sa-
crements leurs doivent estre admini-
strez, & la Messe Parrochiale celebree,
sont contraincts de fournir du leur, pour
ayder à viure à leurs Curez, & subuenir
à leurs necessitez. Pour donc y pour-
ueoir, attendu que les Iuges Laics ne
peuvent auoir interest en semblables
causes, sera loisible ausdicts Curez & Vi-
caires perpetuels, qui pour la plus gran-
de & saine partie ont esté tirez desdictes
Vniuersitez, és causes & differents où il
sera question du payement, & estima-
tion & augmentation de leurs gros, &
portions congrues, se pourueoir par de-
uant les Iuges Royaux, & autres Iuges
Laics pour auoir Iustice, & seront les Iu-
gements

gements surce interuenus executez par prouision, nonobstant oppositions ou appellations, & sans preiudice d'icelles.

Et comme les suppliants soyent tousiours demeurez assidus en l'exercice de leurs fonctions & charges, depuis le temps que par l'heureuse reduction de ceste ville en l'obeyssance du feu Roy d'eternelle memoire vostre pere, que Dieu absolue, il pleust à sa Majesté les reestablis Colleges de ladicte Vniuersité, desquels la duree des troubles les auoiēt escartez, sans que la misere & pauureté, où les a reduits l'erection de tant de Colleges rentez, faicte au moyen de la paix en toutes les meilleures villes de ce Royaume, les ait peu diuertir du seruice qu'ils rendent à vostre Majesté, en l'instruction sincere & fidele de vos sujets, & auquel deuoir ils protestent vouloir persister inuiolablement à iamais; Il plaise à vostre Majesté SIRE, en leur accordant le contenu aux susdits articles, leur conseruer l'honneur de vostre Royale faueur, & bien-vueillance, qui les obligera de continuer de plus en plus le seruice & fidelité qu'ils

vous doiuent , & de prier Dieu pour l'augmentation de voſtre proſperité & ſanté.

LE Lecteur notera que ce Cayer n'a eſté préſenté aux Eſtats , ains vn autre ſuppoſé au lieu , changé , alteré & diminué , tant a eu de pouuoir la terreur & frayeur que l'on a par diuerſes voyes & pratiques empraint és ames de la pauvre & deſolee Vniuerſité. Ce qui ſe juſtifie par le procez verbal qui enſuit , requis & ſtipulé auant la préſentation dudit Cayer ſuppoſé.

A V I O V R D ' H V Y datte des préſentes Noble & diſcrette perſonne Maïſtre **G E O R G E S T V R G O T** Prouiſeur du College de Harcourt , fondé en l'Vniuerſité de Paris , & l'vn des Doyens de la Nation de Normandie, reſidant audit College , s'eſt avec les Notaires Gardes-nottes du Roy noſtre **S I R E** , en ſon Chaſtelet de Paris , ſous-ſignez ; transporté par deuers les perſonnes de Monſieur Maïſtre **C H A R L E S L E P E S C H E V R** , de préſent Recteur de ladicte Vniuerſité, tant pour luy que pour les Procureurs des quatre Nations , trouué

en sa chambre au College de Calui,
fondé en ladicte Vniuersité, & de Mai-
stre I E A N G R A N G E R, Procureur de
la Nation de France, tant pour luy que
pour ses Collegues, trouué comme sur-
uenant en la susdicte Chambre. Auf-
quels ledit T V R G O T a dict & déclaré
qu'il empesche, s'oppose & proteste de
nullité, en cas que lesdits Sieurs Recteur
& Procureurs s'ingerent de bailler, de-
liurer & presenter à mes Seigneurs les
Deputez Generaux des trois Ordres de
ce Royaume, assemblez en ceste ville de
Paris, au nom de ladicte Vniuersité, ny
d'aucune partie d'icelle, vn Cayer que
lesdicts Sieurs Recteur & Procureurs
depuis six iours seulement, separez & re-
tirez en la maison dudit Sieur Recteur
ont compilé & dressé, d'autant qu'il est
tout autre & different, tant en la matiere
qu'en la forme de celuy Cayer de re-
monstrances, lequel ledit T V R G O T des
il y a deux mois & plus, a dressé, fait, &
composé à l'instance, commandement,
& priere de ladicte Vniuersité. Et lequel
Cayer a esté plusieurs fois veu, leu, exa-
miné & approuué en pleines Congre-

36 Remonſtrance de l'Vniuerſité
gations de la dicté Vniuerſité, tant au lo-
gis dudit Sieur Recteur, que dedans le
Chapitre des Mathurins, lieu ordinaire
d'icelles Congregations: Et d'iceluy bail-
lé & deliuré pluſieurs coppies à Mes-
ſieurs les Doyens des Facultez Supe-
rieures: Et neantmoins dedans le pre-
tendu Cayer nouveau ne ſe trouue l'ar-
ticle du ſerment de fidelité au Roy, qui
auroit eſté paſſé ſans contredict aucun,
& du conſentement general de toutes
les Nations: Et ont eſté retranchees des
autres articles dudit premier & vray
Cahier pluſieurs clauses neceſſaires qui y
eſtoient inferees, & qui auoient ſem-
blablement eſté arreſtees eſdites Congre-
gations: Au moyen dequoy ledit T V R-
GOT a proteſté & proteſte d'en former
ſes complaints quand & où il appar-
tiendra, au cas que leſdits Sieurs veu-
lent paſſer outre: Leſquels Sieurs R E-
C T E U R E T G R A N G E R ont faiât reſ-
ponſe, ſçauoir ledict Sieur R E C T E U R,
que veritablement ledict Cahier a eſté

retranché & diminué de quelques articles en sa chambre en la compagnie des quatre Procureurs des Nations SEULEMENT. Avec lesquels iceluy Sieur RECTEUR a esté d'aduis d'oster & retrancher lesdicts articles, croyant que lesdicts Procureurs auoyent charge de leurs Nations, & puissance de ce faire: Et par ledict Sieur GRANGER, Qu'il a assisté au RETRANCHEMENT dudict Cahier, selon l'intention de ceux de sa Nation, qui se trouuerent en la derniere assemblee faicte ausdicts Mathurins. Dont de ce que dessus lesdictes parties ont requis acte ausdicts Notaires à eux octroyé ces presentes pour leur seruir & valloir respectiuelement en temps & lieu, ce que de raison. Ce fut fait, dict, déclaré, sommé, respondu, requis & octroyé en ladite chambre dudict Sieur RECTEUR le vingt.vniesme Iâuiier, auant midy l'an mil six cens quinze, & ont lesdites parties signé la minute des presentes demeuree vers ledict de saint

38 *Remonstrance de l'Vniuersité, &c.*
Vaast, l'un desdicts Notaires soubs-si-
gnez, & baillé coppie du present acte
audict Sieur RECTEUR, Signez de
Monroussel & de saint Vaast.

FIN.





